



## ქალაქ ბათუმის მუნიციპალიტეტის მერი

ქ. ბათუმი

06/07/2015

### ბ რ ძ ა ნ ე ბ ა N 487

#### არასამეწარმეო (არაკომერციული) იურიდიული პირის „ბათუმის საცხენოსნო კლუბი“-ს წესდების დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“, „მეწარმეთა შესახებ“ საქართველოს კანონის და ქალაქ ბათუმის მუნიციპალიტეტის საკრებულოს 2014 წლის 29 აგვისტოს №19 დადგენილებით დამტკიცებული „ქალაქ ბათუმის მუნიციპალიტეტის მერიის დებულების“ მე-3 მუხლის მე-3 პუნქტის „ე.მ“ ქვეპუნქტის შესაბამისად,

#### ვ ბ რ ძ ა ნ ე ბ ა :

1. დამტკიცდეს არასამეწარმეო (არაკომერციული) იურიდიული პირის - „ბათუმის საცხენოსნო კლუბი“-ს (ს/კ №445419137) თანდართული წესდება.
2. ძალადაკარგულად გამოცხადდეს თვითმმართველი ქალაქის - ბათუმის საკრებულოს 2013 წლის 28 თებერვლის №31 განკარგულებით დამტკიცებული არასამეწარმეო (არაკომერციული) იურიდიული პირის - „ბათუმის საცხენოსნო კლუბი“-ს წესდება.
3. არასამეწარმეო (არაკომერციული) იურიდიული პირის - „ბათუმის საცხენოსნო კლუბი“-ს დირექტორს (ბექა ხაბაძე, პირადი ნომერი 61001026001) დაევალოს წინამდებარე ბრძანებით განხორციელებული ცვლილების შესაბამისად კანონმდებლობით გათვალისწინებული ღონისძიებების განხორციელება.
4. წინამდებარე ბრძანება შეიძლება გასაჩივრდეს ბათუმის საქალაქო სასამართლოში (მის. ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.
5. ბრძანება ძალაშია ხელმოწერისთანავე.

გიორგი ერმაკოვი

ქ. ბათუმის მუნიციპალიტეტის მერი

არასამეწარმეო (არაკომერციული) იურიდიული პირის -  
„ბათუმის საცხენოსნო კლუბი“-ს

## წესდება

თავი I. ზოგადი დებულებანი

### მუხლი 1. სახელწოდება და იურიდიული მისამართი

1. არასამეწარმეო (არაკომერციული) იურიდიული პირი - „ბათუმის საცხენოსნო კლუბი“ არის საქართველოს ორგანული კანონის „ადგილობრივი თვითმმართველობის კოდექსი“-სა და საქართველოს სამოქალაქო კოდექსის საფუძველზე, ქალაქ ბათუმის მუნიციპალიტეტის მიერ შექმნილი არასამეწარმეო (არაკომერციული) იურიდიული პირი.
2. არასამეწარმეო (არაკომერციული) იურიდიული პირის სახელწოდებაა: არასამეწარმეო (არაკომერციული) იურიდიული პირი - „ბათუმის საცხენოსნო კლუბი“ (შემდგომ ტექსტში - კლუბი).
3. კლუბის იურიდიული მისამართია: საქართველო, ქალაქი ბათუმი, ლუკა ასათიანის ქ. №25.
4. კლუბის ელექტრონული მისამართია: batumiriding@gmail.com

### მუხლი 2. კლუბის სტატუსი

1. კლუბი არის წევრთა მდგომარეობისაგან დამოუკიდებელი იურიდიული პირი და მისი მიზანი არ არის სამეწარმეო საქმიანობის განხორციელება.
2. კლუბის უფლებაუნარიანობა წარმოიშობა მისი რეგისტრაციის მომენტიდან და წყდება ლიკვიდაციის დასრულების რეგისტრაციის მომენტიდან.
3. კლუბი შექმნილია განუსაზღვრელი ვადით.
4. დასახული მიზნებისა და დაკისრებული ფუნქციების განსახორციელებლად კლუბს აქვს სამეწარმეო საქმიანობის უფლება.
5. კლუბი კანონმდებლობით და ამ წესდებით განსაზღვრული მიზნებისა და დაკისრებული ფუნქციების განსახორციელებლად საკუთარი სახელით იძენს ქონებრივ და პირად არაქონებრივ უფლებებს, კისრულობს მოვალეობებს, დებს გარიგებებს, საკუთარი სახელით გამოდის მოსარჩლედ და მოპასუხედ სასამართლოში და არბიტრაჟში, აგრეთვე მესამე პირთან ურთიერთობაში.
6. კლუბს აქვს დამოუკიდებელი ბალანსი, ხარჯთაღრიცხვა, საბანკო და სახაზინო ანგარიშები, ბეჭედი, შტამპი, ბლანკი და იურიდიული პირის სხვა რეკვიზიტები.
7. კანონმდებლობითა და ამ წესდებით დადგენილ ფარგლებში კლუბი ანგარიშვალდებული და პასუხისმგებელია ქალაქ ბათუმის მუნიციპალიტეტის მერის წინაშე, რომელიც ახორციელებს დამფუძნებლის უფლებამოსილებებს.



## თავი II. საქმიანობის საგანი

### მუხლი 3. კლუბის ძირითადი მიზანი და ფუნქციები

კლუბის ძირითადი მიზანი და ფუნქციაა ცხენოსნობის, როგორც სპორტული, გამაჯანსაღებელი და ტურისტული მიმართულების პოპულარიზაცია და მისი განვითარების ხელშეწყობა.

### მუხლი 4. კლუბის უფლებები და ვალდებულებები

1. კლუბი დაკისრებული ვალდებულებებისა და ამოცანების განსახორციელებლად უფლება აქვს:

ა) აწარმოოს მოლაპარაკებანი და დადოს გარიგებები, აგრეთვე, განახორციელოს სხვა იურიდიული ქმედებები, როგორც სახელმწიფო, ასევე კერძო ორგანიზაციებთან; მათ შორის დაამყაროს ურთიერთობები სხვა ქვეყნების იურიდიულ, თუ ფიზიკურ პირებთან;

ბ) საქართველოს კანონმდებლობით დადგენილი წესით განახორციელოს დამხმარე სახის სამეწარმეო საქმიანობა; ამ საქმიანობიდან მიღებული შემოსავალი მოახმაროს მხოლოდ ორგანიზაციის მატერიალურ-ტექნიკური ბაზის განმტკიცებას, მუშაკთა სოციალურ დაცვას, შრომის ეკონომიკურ სტიმულირებას, აგრეთვე ორგანიზაციის წესდებით გათვალისწინებულ სხვა მიზნებისა და ამოცანების განხორციელებას;

გ) დაამყაროს შრომით-სამართლებრივი ურთიერთობები ქალაქ ბათუმის მუნიციპალიტეტის მერის მიერ განსაზღვრული საშტატო განრიგის შესაბამისად;

დ) შრომით-სამართლებრივ ურთიერთობაში მყოფი პირების თანამდებობრივი სარგო განსაზღვროს ქალაქ ბათუმის მუნიციპალიტეტის მერის მიერ დამტკიცებული სარგოს ოდენობის შესაბამისად;

ე) განსაზღვროს ორგანიზაციის ხარჯთაღრიცხვა ქალაქ ბათუმის მუნიციპალიტეტის მერთან შეთანხმებით;

2. კლუბი ვალდებულია:

ა) წარმართოს თავისი საქმიანობა საქართველოს საკანონმდებლო და კანონქვემდებარე სამართლებრივი აქტებისა და ამ წესდების შესაბამისად;

ბ) წარმართოს შრომითი (მათ შორის სახელშეკრულებო) ურთიერთობანი საქართველოს კანონმდებლობით დადგენილი წესით;

გ) შეასრულოს მოქმედი კანონმდებლობიდან და დადებული ხელშეკრულებებიდან გამომდინარე ვალდებულებები.

## თავი III. კლუბის მართვა და კომპეტენცია

### მუხლი 5. კლუბის მართვა

1. კლუბის მართვა ხორციელდება საქართველოს კანონმდებლობით და ამ წესდების შესაბამისად.

2. კლუბს ხელმძღვანელობს დირექტორი, რომელსაც ერთპიროვნულად ეკისრება ორგანიზაციის წარმომადგენლობითი უფლებამოსილება.

3. კლუბის დირექტორს საქართველოს სამოქალაქო კოდექსის შესაბამისად თანამდებობაზე ნიშნავს და თანამდებობიდან ათავისუფლებს ქალაქ ბათუმის მუნიციპალიტეტის მერი.

4. კლუბის საქმიანობაზე კოორდინაციას ახორციელებს ქ. ბათუმის მუნიციპალიტეტის მერის ადმინისტრაციის სპორტისა და ახალგაზრდობის განყოფილება.



## მუხლი 6. კლუბის დირექტორის უფლებამოსილება

### 1. დირექტორი:

ა) საქართველოს კანონმდებლობითა და ამ წესდებით დადგენილი უფლებამოსილების ფარგლებში დამოუკიდებლად ხელმძღვანელობს ორგანიზაციის საქმიანობას, მოქმედებს ორგანიზაციის სახელით და სპეციალური მინდობილობის გარეშე წარმოადგენს მას მესამე პირთან ურთიერთობაში;

ბ) იურიდიული პირის საქმიანობიდან გამომდინარე საკითხებზე გადაწყვეტილებას დებულობს ერთპიროვნულად, გარდა იმ საკითხებისა, რომელიც საჭიროებს დამფუძნებელთან შეთანხმებას;

გ) პერსონალურად პასუხისმგებელია ამ წესდებისა და ორგანიზაციის საქმიანობის მომწესრიგებელი სამართლებრივი აქტების შესრულებაზე;

დ) პერსონალურად პასუხისმგებელია ორგანიზაციის საქმიანობის სწორად წარმართვაზე, ორგანიზაციის ქონების, მათ შორის, ფულადი სახსრების მიზნობრივ ხარჯვასა და გამოყენებაზე;

ე) თავისი უფლებამოსილების განხორციელებისას გამოსცემს ბრძანებებს, რომელთა შესრულება სავალდებულოა ორგანიზაციის ყველა თანამშრომლისათვის, ხელს აწერს ორგანიზაციის საქმიანობასთან დაკავშირებულ ფინანსურ და სხვა დოკუმენტებს;

ვ) უფლებამოსილია დასახული მიზნების მისაღწევად დაამყაროს შრომით-სამართლებრივი ურთიერთობები ქალაქ ბათუმის მუნიციპალიტეტის მერის მიერ განსაზღვრული საშტატო განრიგის შესაბამისად;

ზ) უფლებამოსილია შრომით-სამართლებრივ ურთიერთობაში მყოფი პირების თანამდებობრივი სარგოები განსაზღვროს ქალაქ ბათუმის მუნიციპალიტეტის მერის მიერ დამტკიცებული თანამდებობრივი სარგოს ოდენობის შესაბამისად;

თ) საქართველოს შრომის კოდექსის შესაბამისად, თანამდებობაზე ნიშნავს (დებს ხელშეკრულებებს) და თანამდებობიდან ათავისუფლებს ორგანიზაციის თანამშრომლებს;

ი) ანაწილებს ფუნქციებს ორგანიზაციის თანამშრომლებს შორის (რაზედაც გამოსცემს ბრძანებას), აძლევს მათ სათანადო მითითებებსა და დავალებებს, კანონმდებლობის შესაბამისად ახორციელებს ორგანიზაციის ზედამხედველობას თანამშრომლების საქმიანობაზე, მართავს თათბირებს, პერიოდულად ისმენს ანგარიშს თანამშრომელთა საქმიანობის შედეგების თაობაზე, ორგანიზაციის სახელით სამოქმედოდ გასცემს მინდობილობას ორგანიზაციის თანამშრომლებსა და სხვა პირებზე.

კ) კანონმდებლობით დადგენილი წესით უფლებამოსილია ორგანიზაციის თანამშრომლების მიმართ გამოიყენოს წახალისებისა და დისციპლინარული პასუხისმგებლობის ზომები;

ლ) უფლებამოსილია ორგანიზაციის სახელით გახსნას და დახუროს საბანკო ანგარიშები, დადოს შრომითი და სხვა ხელშეკრულებები (შეთანხმებები) ფიზიკურ და იურიდიულ პირებთან, მოქმედი კანონმდებლობის შესაბამისად;

მ) ქალაქ ბათუმის მუნიციპალიტეტის მერთან ათანხმებს ორგანიზაციის ხარჯთაღრიცხვას;

ნ) ადგენს და ქალაქ ბათუმის მუნიციპალიტეტის მერს დასამტკიცებლად წარუდგენს ორგანიზაციის ბალანსს;

ო) ამტკიცებს ორგანიზაციის თანამშრომელთა შვებულებაში გასვლის განრიგს;

პ) ატარებს სათანადო ღონისძიებებს ორგანიზაციის მატერიალურ-ტექნიკური ბაზის სრულყოფის, თანამშრომელთა აუცილებელი პირობების შექმნის მიზნით;

ჟ) ქალაქ ბათუმის მუნიციპალიტეტის მერს არანაკლებ წელიწადში ერთხელ წარუდგენს ორგანიზაციის ანგარიშს გაწეული საქმიანობის შესახებ;

რ) ანგარიშვალდებულია ქალაქ ბათუმის მუნიციპალიტეტის მერის წინაშე;



ს) ქალაქ ბათუმის მუნიციპალიტეტის მერს წარუდგენს ორგანიზაციის წესდებაში შესატანი ცვლილებებისა და დამატებების შესახებ პროექტს, წინადადებებს ორგანიზაციის საქმიანობის სრულყოფის ღონისძიებათა შესახებ;

ტ) ახორციელებს კანონმდებლობით, ამ წესდებით და მათ შესაბამისად მინიჭებულ სხვა უფლებამოსილებებს.

2. ორგანიზაციის საქმიანობასთან დაკავშირებული მნიშვნელოვანი საკითხების გადასაწყვეტად, სათანადო წინადადებებისა და რეკომენდაციების მომზადების მიზნით, დირექტორი უფლებამოსილია შექმნას სათათბირო ჯგუფები, კომისიები და უხელმძღვანელოს მას.

#### თავი IV. სტრუქტურა

##### მუხლი 7. კლუბის სტრუქტურა

1. კლუბის სტრუქტურა და სტრუქტურაში შემავალი თანამშრომლების რაოდენობა და თანამდებობრივი სარგოს ოდენობა განისაზღვრება ქალაქ ბათუმის მუნიციპალიტეტის მერის მიერ დამტკიცებული საშტატო განრიგის შესაბამისად.

2. კლუბის თანამშრომლეთა უფლებამოსილებები (თანამდებობრივი ინსტრუქციები) კლუბის ფუნქციებიდან გამომდინარე განისაზღვრება დირექტორის სამართლებრივი აქტით - ბრძანებით.

#### თავი V. ქონება

##### მუხლი 8. კლუბის ქონება

1. დასახული მიზნებისა და დაკისრებული ფუნქციების განსახორციელებლად კლუბს აქვს საჭირო განცალკევებული ქონება, რომელიც გადაეცემა საქართველოს კანონმდებლობით დადგენილი წესით.

2. კლუბის ქონებას შეიძლება შეადგენდეს აგრეთვე ორგანიზაციის ფუნქციონირების განმავლობაში მისი ფინანსური სახსრებით შექმნილი ან/და შექმნილი ქონება.

3. კლუბის ქონებასთან დაკავშირებული სხვა საკითხები განისაზღვრება საქართველოს მოქმედი კანონმდებლობით დადგენილი წესით.

##### მუხლი 9. საქმიანობა, რომელიც საჭიროებს თანხმობას

კლუბს შეუძლია მხოლოდ დამფუძნებლის თანხმობით განახორციელოს შემდეგი ქმედებები:

ა) უძრავი ქონების შეძენა;

ბ) გადაცემული ქონების გასხვისება;

გ) გადაცემული ქონების იჯარით გაცემა;

დ) სესხის აღება;

ე) თავდებობა;

ვ) სხვა გადაწყვეტილებები კლუბის ქონებასთან დაკავშირებით, რომლებიც სცილდება ჩვეულებრივი საქმიანობის ფარგლებს.

#### თავი VI. ფინანსები

##### მუხლი 10. კლუბის ფინანსები

1. კლუბის დაფინანსების წყარო შეიძლება იყოს:

- ა) ქალაქ ბათუმის მუნიციპალიტეტის ბიუჯეტიდან გამოყოფილი მიზნობრივი სახსრები;
  - ბ) ადგილობრივი და საერთაშორისო ორგანიზაციების მიერ გამოყოფილი შემოწირულობები, გრანტები;
  - გ) შემოსავლები, რომლებიც მიიღება კლუბის მიერ სხვა იურიდიული, თუ ფიზიკური პირებისათვის გაწეული მომსახურების შედეგად;
  - დ) დამხმარე სამეწარმეო საქმიანობიდან მიღებული შემოსავლები;
  - ე) საქართველოს კანონმდებლობით ნებადართული სხვა შემოსავლები.
2. კლუბის ნებისმიერი შემოსავალი უნდა მოხმარდეს მხოლოდ ორგანიზაციის მიზნებისა და ამოცანების განხორციელებას. ორგანიზაციის სახსრების სხვაგვარად გამოყენება დაუშვებელია.

## თავი VII. საქმიანობის კონტროლი

### მუხლი 11. კლუბის საქმიანობის კონტროლი

1. კლუბის საქმიანობის საერთო კონტროლს ახორციელებს ქალაქ ბათუმის მუნიციპალიტეტის ორგანოები.
2. კლუბის საქმიანობის კონტროლი მოიცავს ორგანიზაციის მიერ განხორციელებული საქმიანობის კანონიერების, მიზანშეწონილობის, ეფექტიანობისა და საფინანსო-ეკონომიკური საქმიანობის ზედამხედველობას.
3. კლუბის საქმიანობის შესამოწმებლად, საჭიროების შემთხვევაში, ქალაქ ბათუმის მუნიციპალიტეტის ორგანოები ნიშნავენ აუდიტორს.
4. კლუბის საქმიანობის კონტროლთან დაკავშირებული სხვა საკითხები განისაზღვრება მოქმედი კანონმდებლობით დადგენილი წესით.

## თავი VIII. რეორგანიზაცია და ლიკვიდაცია

### მუხლი 12. კლუბის რეორგანიზაცია და ლიკვიდაცია

1. კლუბის რეორგანიზაციის შესახებ გადაწყვეტილებას ღებულობს ქალაქ ბათუმის მუნიციპალიტეტის ორგანოები საქართველოს კანონმდებლობით დადგენილი წესით.
2. კლუბის ლიკვიდაცია ხორციელდება მოქმედი კანონმდებლობის შესაბამისად.





## ქალაქ ბათუმის მუნიციპალიტეტის მერი

ქ. ბათუმი

13/01/2016

### ბ რ ძ ა ნ ე ბ ა N 18

არასამეწარმეო (არაკომერციული) იურიდიული პირის - „ბათუმის საცხენოსნო კლუბი“-ს წესდებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“-ს 106<sup>1</sup> მუხლის შესაბამისად,

#### ვ ბ რ ძ ა ნ ე ბ :

1. არასამეწარმეო (არაკომერციული) იურიდიული პირის - „ბათუმის საცხენოსნო კლუბი“-ს (ს/კ №445419137) წესდებაში (დამტკიცებული ქალაქ ბათუმის მუნიციპალიტეტის მერის 2015 წლის 06 ივლისის №487 ბრძანებით) შეტანილი იქნას ცვლილება და წესდების მე-6 მუხლის პირველ პუნქტს დაემატოს შემდეგი შინაარსის „ნ<sup>1</sup>“ ქვეპუნქტი:

„ნ<sup>1</sup>) ქალაქ ბათუმის მუნიციპალიტეტის მერთან შეთანხმებით ამტკიცებს კლუბის სხვადასხვა მომსახურების ტარიფებს;“.

2. არასამეწარმეო (არაკომერციული) იურიდიული პირის - „ბათუმის საცხენოსნო კლუბი“-ს დირექტორს (ბექა ხაბაძე, პირადი ნომერი 61001026001) დაევალოს წინამდებარე ბრძანებით განხორციელებული ცვლილების შესაბამისად კანონმდებლობით გათვალისწინებული დონისძიებების განხორციელება.

3. ბრძანება ძალაშია ხელმოწერისთანავე.

გიორგი ერმაკოვი

ქ. ბათუმის მუნიციპალიტეტის მერი



## ქალაქ ბათუმის მუნიციპალიტეტის მერი

ქ. ბათუმი

20/11/2017

2080-25-4-201711201314



**ბ რ ძ ა ნ ე ბ ა** N 2080

**არასამეწარმეო (არაკომერციული) იურიდიული პირის „ბათუმის საცხენოსნო კლუბი“-ს წესდებაში ცვლილების შეტანის თაობაზე**

საქართველოს ორგანული კანონის „ადგილობრივი თვითმმართველობის კოდექსი“ 106<sup>1</sup> მუხლის მე-6 პუნქტის შესაბამისად,

### **ვ ბ რ ძ ა ნ ე ბ ა :**

1. არასამეწარმეო (არაკომერციული) იურიდიული პირის „ბათუმის საცხენოსნო კლუბი“-ს (ს/კ №445419137) წესდების (დამტკიცებული ქალაქ ბათუმის მუნიციპალიტეტის მერის 2015 წლის 06 ივლისის №487 ბრძანებით) მე-5 მუხლს დაემატოს შემდეგი შინაარსის 3<sup>1</sup> და 3<sup>2</sup> პუნქტები:

„3<sup>1</sup>. დირექტორი თანამდებობაზე ინიშნება ერთი სამეურნეო წლის ვადით, რომელიც მოიცავს წლის დასაწყისიდან - 1 იანვრიდან წლის დასასრულამდე - 31 დეკემბრის ჩათვლით პერიოდს (კალენდარული წელი).

3<sup>2</sup>. ქ. ბათუმის მუნიციპალიტეტის მერი უფლებამოსილია ვადაზე ადრე გაათავისუფლოს დირექტორი დაკავებული თანამდებობიდან ან გაუგრძელოს უფლებამოსილების ვადა ერთი სამეურნეო წლით.“.

2. არასამეწარმეო (არაკომერციული) იურიდიული პირის „ბათუმის საცხენოსნო კლუბი“-ს (ს/კ №445419137) წესდების მე-6 მუხლის პირველ პუნქტს დაემატოს შემდეგი შინაარსის „უ“; „ფ“ და „ქ“ ქვეპუნქტები:

„უ“ დირექტორს უფლება არ აქვს გამოიტანოს ნაღდი ფული საზოგადოების საბანკო ანგარიშ(ებ)იდან;

ფ) დირექტორს უფლება არ აქვს საბანკო ოპერაციები (გადარიცხვები) აწარმოოს მთავარი ბუღალტერის ავტორიზაციის გარეშე. თუ საზოგადოებას არ ჰყავს მთავარი ბუღალტერი, მაშინ აღნიშნულ უფლებამოსილებას დირექტორთან ერთად ახორციელებს თანამშრომელი, რომელიც თანამდებობრივად პასუხისმგებელია საბუღალტრო აღრიცხვაზე;




ქ) დირექტორი ვალდებულია ყოველთვიურად (პირველ დეკადაში) დამფუძნებელ პარტნიორს წარუდგინოს ამონაწერ(ებ)ი საწარმოს საბანკო ანგარიშ(ებ)იდან მიმდინარე თვის პირველი რიცხვის მდგომარეობით;“.

3. წინამდებარე ბრძანებით არასამეწარმეო (არაკომერციული) იურიდიული პირის „ბათუმის საცხენოსნო კლუბი“-ს წესდებაში განხორციელებული ცვლილება ვრცელდება ასევე ამ ცვლილების ამოქმედებამდე დანიშნულ დირექტორზეც, რაც ნიშნავს, რომ მოქმედი დირექტორის უფლებამოსილების ვადაა 2017 წლის 31 დეკემბრის ჩათვლით პერიოდი.

4. ქ. ბათუმის მუნიციპალიტეტის მერიის აპარატის იურიდიული განყოფილების უფროსს (ვახტანგ გედენიძე, პირადი ნომერი: 61001051657) დაევალოს წინამდებარე ბრძანებით განხორციელებული ცვლილების შესაბამისად კანონმდებლობით გათვალისწინებული ღონისძიებების განხორციელება.

5. ბრძანება ძალაშია ხელმოწერისთანავე.

ლაშა კომახიძე



ქ. ბათუმის მუნიციპალიტეტის მერი